



Positiounspabeier

Beschloss um uerdentleche Landeskongress 2012

Thema:

Avortement ass e Fraerecht

Problematik

Den Avortement gëtt zu Lëtzebuerg nach emmer duerch e Gesetz vun 1978 gereegelt, ee Gesetz wat kloer kathoulesch Wäerter vertritt an den Avortement ënner Strof stellt. Nëmme a spezielle Situatiounen wou d'Gesondheet vun der Fra um Spill steet dierf ofgedriwwe ginn. Och d'Reform déi grad an der Chamber diskutéiert gëtt schwätzt nach vun iwwerflëssege Berodungen déi scheinbar zum Zweck hunn fir den Avortement fir Fraen esou onattraktiv wéi nëmme méiglech ze gestalten.

D'Prinzipien vun der Piratepartei

D'Piratepartei steet fir eng zäitgeméiss Geschlechter- a Familljepolitik. Dëst baséiert um Prinzip vun der fräier Selbstbestëmmung iwwer Ugeleeënheete vum perséinleche Liewen. Mir sinn der fester Iwwerzeugung datt eng Fra ee Recht op Ofdreiwung nët abuséiere wäert.

Fuerderungen

Eng fräi zougängelech, entkriminaliséiert, Ofdreiwung fir all Fra mat der beschter medezinnescher Versuegung, an neutraler Berodung. D'Käschten dofir sinn wéi all medizinesch Leeschtungen vun der Krankekeess ofzerechnen.